



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 128. Theodori Antonii Peltani obitus.

[urn:nbn:de:hbz:466:1-67246](#)

Sæcul. XVI. quam octogenarius moriebatur die duodecima Septembris anno Christi millesimo quingentesimo octogesimo quarto. Ceterum illius versiones tanquam satis accuratae deprædicantur, ex cunctis autem ejus operibus vel maxime celebratur ejusdem oratio de restauranda disciplina Ecclesiastica, ubi sexto Calcedonensis Synodi Canoni, quo nullus sine assignato beneficio, aut Officio Ecclesiastico sacris Ordinibus initiari permittitur, innixus in suo sermone contra Commendas, resignationes in alterius favorem, aut cum jure regressus factas, necnon contra beneficiorum nundinationes acriter insurgit, simulque usum carpit, quo Cardinalibus, quibus jamjam Ecclesiarum tituli sunt collati, adhuc Episcopatus conferuntur: insuper Hervetus gallico idiomate plura dogmatica opuscula conscripsit contra hæreticos, ubi satis accommode sacris Paginis, & traditionibus ad stabilendas Catholicæ fidei veritates, & refellendos errores eis oppositos utitur.

§. CXXVIII.

Theodori Antonii Peltani obitus.

Dupin.

pag. 452.

Ribadin. &

Alegamb. de

Script. Soc.

Valer. Bibl.

Aelg.

Ceteri Scriptores, qui hoc anno fatis cesserunt, sunt sequentes. I. Theodorus Peltanus, seu Pelten, ita vocatus, eoquod Peltæ in Leodiensi Diæcœli

cesi natus esset. Hic humanioribus li- **Sæcul. XVI.**
teris apprime eruditus satis profundam **A.C. 1584.**
græci, & latini idiomatis cognitionem
hauterat, ac postea Jesuitarum Institu-
tum amplexus inter primos hujus So-
cietatis Alumnos numerabatur, qui in
Universitate Ingolstadiensi ab Alberto
Bavariæ Duce circa annum Domini
millesimum quingentesimum quinqua-
gessimum sextum erecta publice Græ-
cam, & postea Hebraicam linguam
ac denique Theologiam per duodecim
annos tradebat: evoluto autem hoc
tempore Anno Salutis nostræ millesi-
mo quingentesimo septuagesimo quarto
ad Collegium Augustanum mittebatur
ibidem exhaustis viribus quietem in-
dulturus, verum decimo post anno die
secunda Maji anno Incarnationis Domi-
nicæ millesimo quingentesimo octogesi-
mo quarto obiit. Hic idem præter plura
Græcorum Patrum opera in latinum
translata non paucos etiam scripsit tra-
ctatus dogmaticos contra Protestantes,
præcipue vero de peccato Originali,
satisfactione Christi, Purgatorio, piis
operibus, cultu Sanctorum &c. Verum
iliud opus, quod de sacra Scriptura
elucubrabat, parum aestimatur, eo quod
hoc argumentum nonnulli iuperficiete-
nus pertractet.

§. CXXIX.